

HR/EUSR Lajčák sa hrvatskim zvaničnicima



<?xml:namespace prefix = o ns = "urn:schemas-microsoft-com:office:office" />

Visoki predstavnik i specijalni predstavnik EU, Miroslav Lajčák, danas je u Zagrebu imao sastanke sa najvišim hrvatskim zvaničnicima, predsjednikom Stjepanom Mesićem, premijerom Ivom Sanaderom te ministrom za vanjske poslove i evropske integracije Gordanom Jandrokovićem.

Tijekom današnjih sastanaka, visoki predstavnik i specijalni predstavnik EU, Miroslav Lajčák, informirao je hrvatske zvaničnike o trenutnoj političkoj situaciji u Bosni i Hercegovini te o napretku koji je BiH postigla u ispunjavanju obaveza iz Sporazuma o stabilizaciji i pridruživanju, odnosno ispunjavanju uslova sa liste kratkoročnih prioriteta na osnovu kojih će Evropska komisija ocijeniti sveukupan napredak BiH ka članstvu u Evropskoj uniji.

Također, imajući u vidu činjenicu da Hrvatska predstavlja pozitivan primjer u regionu, kada su u pitanju procesi evropske integracije, razmijenjena su mišljenja o prednostima hrvatskih iskustava u ovom pogledu i mogućnostima primjene tih iskustava u Bosni i Hercegovini.

Visoki predstavnik i specijalni predstavnik EU, Miroslav Lajčák, informirao je hrvatske zvaničnike i o napretku koji je BiH postigla u ispunjavanju pet ciljeva i dva uvjeta postavljenih od strane Vijeća za implementaciju mira za

tranziciju ureda OHR-a u Ured specijalnog predstavnika Evropske unije.

HR/EUSR Lajčák je naglasio da je BiH napravila dobre pomake u ispunjavanju ciljeva i uvjeta, ali da je potrebno uložiti dodatne napore kako bi se postiglo rješenje za dva ključna pitanja, a to su status Brčkog i reguliranje pitanja državne imovine. Potpisivanjem Sporazuma o stabilizaciji i pridruživanju BiH je ispunila jedan od dva uvjeta, dok će ispunjavanje drugog uvjeta, dakle, dobijanja pozitivne ocjene od strane Upravnog odbora Vijeća za implementaciju mira, zasnovane na punom poštivanju Daytonskog mirovnog sporazuma, zahtijevati mnogo pozitivniji pristup političara u BiH.